lentiera, sempre advertendo dal pericolo al meglio che ha potuto; e certifica, dite galie di brieve erano per ussir, per esser in hordine dil tuto, e aria forsi fato mal assai. Et a la bocha de fora del dardanello se ritrovava sier Cabriel Soranzo, qual era ritornato dal Zonchio, portandoli il successo di Coron, el qual stete eri tuto aspetar l'ussita di esso zeneral, per veder si algun favor li bisognava. E lo lauda; e li fo grato una galia stesse de li, e molestasse quelli turchi che erano in gran numero da un canto e l'altro a le marine, persuadendossi forsi, qualcheuna di le galie desse in terra, per far poi i facti soi. Et ha diliberato expedir ditto sier Cabriel Soranzo con la presente nova, e con uno suo compagno di stendardo, acciò referischa il tuto circa Coron etc., per aversi trovà sul fato; e a Bortolo, suo compagno di stendardo, lo ricomanda, e combatè virilmente a la Zefalonia con turchi, hebe una saxada su la testa, è stato molto mal, non è guarito, e per il suo servir li sia concesso sia fante a li signor capi di X. primo vacante, non essendo altra expectativa: suplicha sia confirmata per li so meriti.

Dil ditto zeneral, ivi, a di dito. Come è disposto mandar le galie a la Signoria nostra, prese, ma essendo butino aquistado con el sudor di soracomiti, e de quelli poveri galioti, si rende certo la Signoria li darà il modo possi haver il ditto butino, o ver qualche bona parte di quello. Item, aricorda, in lo armar di le galie, si tengi altro modo, e haver altri galioti cha lombardi, perchè si crede armar galie, e non se arma, ma sono chome arsilij, quelle si armano di homeni forestieri, e non stanno mai sani; più tosto vuol una galia de schiavoni cha 20 de lombardi. Et, per restaurar le galie che resterano con lui, ha diliberato far eletion de tanti galioti schiavoni, sono sopra le galie manderà a disarmar, e darli il suo 3.º e la paga, e tenirli in armada; e con questo modo, interzar le galie di boni homeni. Item, si advertissa habino le galie li suo' balestrieri, siano homeni, e con le so balestre, perchè al presente non ha visto balestrier habi la sua balestra; e zercha questo, è per farne provision, che incenderà a qualcheuno di lhoro; e tra questi balestrieri siano almeno schiopetieri X per galia, che siano boni, e non si guardi a un ducato di più al mese di spesa, perchè i zoverano assai; et etiam almeno 4 bombardieri per galia, boni, et li schiopeti sono la medicina de li archi etc. Circha la cossa di Coron, sier Cabriel Soranzo, sopracomito, li ha referito esser stato con li altri sopracomiti a parlamento con quelli di Franceschi, principalli di Coron, che pratichano el tratado; quali, in conclusion, volevano prima da esso zeneral una patente di absolution di ogni excesso per loro comesso, circha el dar de Coron al turcho; dicendo: Dio perdona a chi fo causa! Et voleano tal letera, per saper li coronei li venivano per mezo li faceva mal capitar; poi volevano 1000 provisionati con li 549 * qualli abscosti se oferivano far lo effecto soprascrito; e haveano mandato uno suo fratello a Ragusi, per far intender, per quella via, il tuto a la Signoria nostra. Era etiam con questi Franceschi uno papà Savina, diceva non bisognar tanto numero di provisionati, ma solum 500, e li bastava l'animo di far etc. E mostra, per quanto el dice dito sier Cabriel, homo molto ben disposto, e tolseno termine a la risposta zorni 25. Il resto, a bocha, esso sier Cabriel referirà e dil Zonchio e di Modon; unde, lui zeneral havia diliberato andar quamprimum a Corfù, con tuta l'armada, e metersi in hordine, e transferirssi ne le aque de Coron, per mandar a bon fine quella cossa : et spiera coronei, inteso arano il suo venir li, con altra ferventia i se moverano; perhò vol esservi im persona, e lassar per adesso l'impresa di Santa Maura, e spiera haverla in tempo, che turchi non se lo penserano. Item, al far di provisionati, e a pagar le refusure e dar paga a li galioti, li bisogna assa' danari; suplicha se li mandi, perchè sarano utelmente spesi, e per far tutto quello potrà a beneficio et exaltation di questo excellentissimo stato, pur non sia manchato da le cosse necessarie. Item, manda la galia Soranza, per esser di le vechie, di mezi 32, a disarmar, licet mal volentiera si habi privato di tal sopracomito; e lo lauda assai. Prega subito sia rearmato e remandato, azò el possi operar ne li servicii ocorenti. Item, ad Alvise Muscatello, suo armiraio, per soi optimi portamenti, si nel prender il castello di la Zefalonia, dove hebe molte saxade, et al presente nel tuor di dite galie, mosso da conscientia, li ha concesso in vita sua la massaria del fontego di todeschi, da poi arà compito li 4 anni questo è al presente. Prega sia confirmata con li conseglij.

Vene l'orator di Franza, al qual li fo comunichato tal nova; et dimostrò grandissima leticia. Et fo spazà in Franza et a Roma, con li sumarij di tal vitoria.

Veneno li oratori vicentini, et compiteno di parlar zercha li soldi 5 per campo; pur quel domino Jacomo di Trento parlò.

Da Budua, di sier Nicolò Memo, podestà, di 28. Come à parlato con uno bazarioto, habita a Scutari, partì da Constantinopoli a di 7, afirma il signor di e note fa restaurar l'armata, sì li vaselli vechij come